


聖教雜誌

REVUE CATHOLIQUE

天主降生一千九百二十六年



中華民國十五年陽曆七月

N°193

第十五年 第七期

要目

插圖○徐匯新聖四位神父

徐匯師範學校新校舍

論說○教宗新通諭之所訓

我教友者(編者)

宗教哲學(盤谷) 幾個

自由的新名詞(徐宗澤)

補白○我國人民數之統計
與教育

說林○庚子教難貞烈小影
(伯多祿)

近事○教中新聞 教育新
聞 時事記述

●通告

本社教育專刊甫經產生。七月之雜誌已追隨而來矣。上月中學務倥傯。編輯無暇。故本期雜誌不特資料欠選擇之周詳。且量數又減去三分之一。現又值暑假。炎夏逼人。本社同人雖心願重振精神。以補本期疏忽之過。然下學期之選稿。又須乘此暑假準備。故不得已八月中本誌。又擬縮減量數。九月中則仍照舊式編印。特在閱報者之雅愛。深望恕宥。此請

台安

本社敬啓

●徐滙公學招考新生日期

程度 高小畢業。或有初中程度者。
年齡 自十二歲至十五歲。
考期 八月二十七、八、九日。開學九月六日。
科目 以國文算學為主。國文至少能作二三百字。
班次 本校中學各科中。有數科用法文教授。爲新生設有補習法文班。

章程 函索附郵一分。

注意 凡投考學生家屬不在上海者。投考時須覓一住居上海之保人同來。又凡路遠不便投考者。先作函報名。註明年歲。住址。并寄近日作文算學各課。以便察閱程度。本校視爲合格。寄上一紙請填明所註各項。再行寄來。

徐滙公學敬啓

●徐滙師範啟事


本校創立於一九二二年。其宗旨。在造就天主教小學教員。完美其教育。給以教授應具之智識。及其施行之方法。爲收此效也。本校有附屬類思小學。爲師範生實習教授之地。

學生學業期限爲三年。另加實習教學一年。


第四學年之終。舉行畢業考試。組有委員會。試驗各科教材。

(一) 筆試。


(二) 附屬小學內試教。



徐 滙 新 聖 四 位 神 父 攝 影



影 攝 舍 校 新 校 學 範 師 滙 徐



编码错误

論說



●教宗新通諭之所訓我教友者

讀 *Rerum Novarum* 新通諭者，定有種種感觸。此種感觸，固隨各人觀察點之差異，而有不同。惟有一事不能否認者，即教宗之注意傳教事業，而其最關心者，是栽培完備之本地神級班，令為本地教務之領袖。然觀察者，亦不可不知教宗之通諭，非專論一區一境，實對全球五大洲之傳教事業，而施普遍之訓誥；通諭中直接之所訓者，乃各地之神牧；而各地之神牧，將必恪遵教宗之旨，而惟命是聽。

然則新通諭於我教友，毫無教訓乎？曰否。一、通諭中，教宗所切諭眾教友者，為傳

論說 … 教宗新通諭之所訓我教友者

教事業祈禱。故吾望眾教友，時常為普世之傳教事業禱，特為本國本區禱。

二、教宗深願教友，盡力輔助傳教事業之經濟，特舉傳信會、聖嬰會、聖伯多祿會。故吾望眾教友熱心贊助此三會。

三、教宗於通諭中，諄諄訓諸神牧，培植本地神級班，創設本地修會、修院。故吾望眾教友，培養自己兒女之聖召，及輔助有志修道之青年。

要而論之：天主教為聖而公會，教宗為普世教友之公父，其注意傳揚基利斯督之神國，一本耶穌之精神，無此疆彼界，爾我之私意。其判斷事實也，如登泰山而觀天下，有遠大之超見。自此新通諭後，普世傳教事業，必將開一新紀元，不禁拭目俟之。

宗教哲學

盤谷

緒言

宗教與哲學，有密切之關係，相維相繫，彼此不能分離者也。哲學，乃研究事物最終理由之學；而事物最終之理由，厥惟造物主。哲學所討論者，為人生最大之問題，如神與人，及世界之關係；而宗教，正所以明示此中之奧義，助哲學之所不及；故自來講哲學者，不能不涉及宗教。純正之哲學，其論宗教也，合理而順性的；偽雜之哲學，其論宗教，則多謬言謬論，故遺害宗教，誠非淺鮮。概自康德以迄今日，哲學學說純雜互見。今將言其重要者，概論及之，亦足

以資研究宗教學者之審慎焉。

(一) 康德之所謂宗教 見本雜誌第五期

(二) 孔德所謂之宗教

世之醉心科學，崇拜物質文明者，僉謂今日之世界，宗教已不能容存；於是無神之謬言，靈魂非永存之謬論，蜂湧並起；而風俗人心，因之日益澆漓矣。雖然，人也者，乃有宗教的有靈動物，此固根於人性，而賦自造物主者也。故人雖口談無神無教，以為縱情恣慾之護符，而心終不能無信無仰，以遂其求得全福之心理。一般偽學士，知其然，故不敢直截言曰：無宗教，無靈魂，無造物主；乃支離其說，偽造其義，創立一種科學宗教，以炫惑人心，其禍之大，更有

甚於逕直排斥宗教者也。

法有孔德者 A. Comte 一七九〇—一八五七實驗哲學之鼻祖也；創立一種學問宗教，影響於十九世紀之間，幾有狂瀾難挽之勢；卽在今日，其學說之浸潤人心，蔓延天下，非筆墨所能宣其萬一。今欲研究其宗教，請先言其哲學。

孔德之哲學，爲實驗哲學。實驗哲學，謂祇可覺之事物，能成爲學問，其餘不著跡事物，非吾人所能認識，蓋超出實驗之範圍焉。孔又謂人類在進化界上，必繼續經過三時代：最初爲神學時代；此時代之人，解說萬物之現象，皆謂有神主持其間，可謂迷信時代。繼神學時代，則有哲學時代；此時代之人，解說萬物之現象，大抵用理想

原因，實體等，超形空說；而神道設教等語，已放棄之矣。繼此哲學時代，則有實驗時代；卽今日之時代也。今日之人，解說萬物之現象，大抵從實際觀察，以實驗之功，規定現象法律；此爲科學最完美之時代。據以上所說，是孔德之哲學，重視實驗，蔑棄理想，將造物主與人之靈魂，及其永生不死等之真實道理，視之爲夢話，付之於不可思議之域；其學說之有害於世俗人心，爲何如哉！

孔德之宗教，則支離荒誕，其宗教之性質，爲消極的；因其屏除宗教的要素，而祇竊取宗教之外相也。宗教之要素，在敬崇真主，明定人與真主之關係；信仰教理，遵守教規，而趨赴人生之終向也。乃實驗哲學，

擯實體於門外，棄原因而不顧；其所研究者，祇為事物之現象，考察其變化之迹，而規定科學法律；是以形而上之學，皆視之為泡影，為幻想；造物主也，靈魂也，來世也，皆為不可思議之事物，非今日實驗時代所當齒及。殊不知無造物主，則宗教失其基礎；孔德知其然，故以人類代之。人類之大原，即實驗哲學家之造物主也！以為人生在世，孜孜經營，為人類忠心作事，則死後與人類合而為一體，即其思想將永活於人心，此即所謂將來之生命，主觀之永不死也！祈禱，又為宗教性命之一要點；孔德知其然，遂訂每日默想，思念人類中已故之有德人物，令人有所仿效，而至於成全之境。

人類為孔德之宗教之造物主，前既言之矣。為尊敬此人類也，孔德亦定有敬禮：例如教道，教會之組織，敬禮分三等：一、個人的敬禮，即尊敬婦人（母妻女）因婦女為人類至純淨之代表也。二、家庭的敬禮，即九件聖事，為準備吾人與人類合為一體，并祝聖吾人之日行事工也。三、羣眾的敬禮：即在人類堂宇中，所行之禮儀也。此堂建在聖林中，堂中供有三十年許之婦人雕像，手抱一兒，用以代表人類；堂邊有一小堂，為記憶歷代之名婦，又有十三小堂，供有人類歷史上之十三大思想家，即梅瑟 *Moise* 奧曼爾 *Homère* 希臘之大詩人紀元前九〇〇年 亞里斯切德 *Aristote* 希臘之大哲學家紀元前三八四—三三二年 亞幾曼奪 *Archimède* 古代之有名數學家紀元前二八七—二二二年 撒

若爾 Césari 羅瑪之有名大將軍紀元
前一〇〇一—一〇四四年 聖保祿宗

徒 St Paul 死於降生 沙爾大帝 Charlemagne
後八六年 意之有名詩人一二

七六八—唐脫 Dante 六五—一二一二年 俄典保

八一四年 德人發明活版印書一 索士比亞
Autemberg 四〇〇—一四〇八年

Shakespeare 英之大詩人大戲曲家一 笛卜爾
五六一—一六一六年

Descartes 法之哲學家一五六 勿來奪利克第
四—一七六六年

一 Frédéric II 德皇一七一— 比雅 Richat 法之
一七八〇二年 有名

至若孔教之教理，即實驗哲學之學說而

已大致趨重經驗，鄙棄形而上之學，將造

物主與人之靈魂等，一筆塗抹。其教會之

組織，則秩然有序，井然有條。宗教之上，有

一大僧侶，統治全教教務，大僧侶則居於

巴黎、巴黎為人類教之新京城，如天主教

以羅瑪為教會京城。大僧侶下，有僧侶，副

僧侶及準備為僧侶等級。人類教之幼年

子弟，當在實驗哲學士家所設之學校中

攻讀，學習教理，而研究科學，預備將來成

為僧侶。孔德又製定一瞻禮單，每年共有

十二月，每月奉一人類歷史上最有名之

人物，作為主保，每月共有四禮拜，每日亦

有一有名之人，作為主保。第六月則為天

主教之月，聖保祿則為此月之主保，此即

孔德宗教之大較也。雖然，孔德之意，不特

在創立此宗教也，蓋欲驅天下之人，盡入

此人類教。彼嘗謂改化一神教，則七年已

可多神教與各種邪教，則十三年，蓋人類

教為普徧之教，故將舍天下之人，皆入其

教而成一大同世界。孔德晚年，則又推廣

其教於敬人類之外，又加敬地球之禮，孔

謂之爲拜物敬禮，及敬天敬星之禮；此之謂爲大中之教。

綜而論之，孔德之宗教，可以三言括之：以愛情爲原則，秩序爲基礎，進行爲目的。且夫宗教者，言人與造物主在倫理上之關係也，卽言人對此造物主，有當盡之義務。故宗教所恭敬者，乃皇皇上主，超越乎人類之上，而爲萬物之原則，萬物之終向也。乃孔德之宗教，爲人類宗教，其所尊敬之主，爲人類。殊不知人類二字，乃抽象的名詞，無人格，無獨立之性質，不能認爲造物主。且人類二字，卽以具體的目光觀之，乃造物主所造之人，安能以敬造物主之禮敬之！孔德的宗教之內部組織，皆無意義，可笑孰甚！其所崇拜之人，則品格不一，其

所建立之堂，則爲多神寺，崇拜頑物，則等於下級原人之所爲！滅棄原因，則杜塞哲學，從受造之物，推果溯因，以認識造物真主。故何怪其教之不能存立，而爲其門徒所擯棄也。

(三) 社會學之所謂宗教

社會學，西文曰 Sociologie，此語創自孔德，研究社會現象之學也。嘗攷社會學，六十年前已有其萌芽，然至今日尙未完全成立。法之都爾加意實爲當今社會學所最崇拜之人物。社會學家之論宗教，謂宗教爲社會之精神，純然爲合羣者焉。社會中之各種優點，皆由宗教而產生：神語也，詩文也，由宗教的稗史而生；倫理也，法政也，來自實際的教禮；製造也，技術也，胎息於

宗教之外儀；其他類似之端，指不勝屈。今夫人爲宗教的有靈動物，故有人類，不能不有宗教，爲學士所公認。然說明宗教性命之由來，其說紛紛不一。社會學家謂宗教思想，非從個人之心理演繹而來，然由社會產出；換言之，人之靈魂，非宗教的，成爲宗教的，乃合羣陶鑄之功也。顧其陶鑄之法爲何，則曖昧不明矣。蓋個人與社會，彼此均不知心理的機械動作，以產生此宗教性命；然在事實上，此實爲原動力！故社會學家謂造物主之觀念，非由個人之心理自然發生，是以有神之意，非根之於人性！社會者，實爲宗教之淵源，宗教乃社會性命之點綴！宗教之儀禮，藉個人之信仰而生，然個人之信仰，與此連帶之性

論說

宗教哲學

情，所以發生於個人者，乃社會默感潛化之功！綜而論之：宗教者，乃社會之事實，合羣實爲其來由；個人之所以有宗教者，因其爲社會之一份子耳！如有移居空谷，謝世絕人，爲此人也，宗教全失其意義，此皆社會學之宗教學說也。社會學之論宗教，既如以上所述；其最大之謬點，在謂宗教觀念，不自然發生於人性；然証之事實，而知此說實與心理背馳。蓋宗教淵源於造物主，根基於人性也。何以言之？造物主之創造世界，非不得不創造也；能創造，能不創造，造物主自主之也。及其既造，造物主爲萬物不能不定一終向，使之趨赴之者，此因無窮上智主宰作事，不能無意向也。是以受造之物，一經受

造對於造物大主，即有一密切之關係，如子女一經墮地，對於父母，有休戚之交接。無靈之物，無悟欲二司，以求知識，以發愛情，故對於造物主，不過表顯造物主之萬善萬美，引人認識真源。而有靈如人，則其當盡之義務，更有超越於此。認識造物大主，以盡其根本之職任，享見造物大主，以向其生造之終向，此即宗教之意義。賦於天，而來自性，萬萬不能消滅者也。社會學家之說，何其言論之不經耶！

(四) 進化論之宗教

自斯賓塞爾創立進化論，而社會之心理，因之一大變！今之偽學士，幾無一人不皈依進化論，幾無一事不以進化解說，而於宗教一端，亦猶是也！依進化論家之說曰：

宗教者，非一蹶成立，即至完備之境地，乃幾經寒暑，幾經淘汰，遞演遞嬗，以成今日之宗教，即在今日猶進化不止，未至一成不變之境焉！其解說此事也，謂厥初生民，擴悍野儻，不知耕食，不知被體，巢居穴處，與鳥獸同羣，蓋此時之原人，亦不過一哺乳動物耳！及經驗既多，知識漸開，仰觀俯察，默覩此莊嚴燦爛之世界，始而驚異，繼而懷疑，於是宗教之思想漸萌，而畏神之觀念以生；且其時之人類，智固不及今人，然富於想像，創造各種猙獰凶惡之偶像，神而祀之，天堂地獄之空信，靈魂不死之囁語，徧及一世矣！今日之世界，智識日增，科學日進，格物致知之功深，而宗教之謬說，雲散霧消，青天渙然大明矣！昔人謂世

界之上有一神靈，以享壽萬物，今乃知此。實物性之瞽盲法律，萬物互相維繫，循物之自然之性例，以生以息耳！古人靈魂實有之說，今乃知靈魂乃一種精緻之元子，凝集之物耳！古人謂靈魂不死之說，今乃知人體之元子永遠與物質配合，無增無減耳！宗教思想超越觀念，要皆詩話神史！此即進化論家所謂之宗教也。進化論家之論宗教，其學說未嘗不新奇，要不過空中樓閣，臆度之言耳！徵之事實，按之經驗，實相背馳。何言之！施氏創立進化論，謂天地開闢之初，有一永遠不滅之元質，經幾千萬年之歲月，遞演遞嬗，而成爲今日莊嚴燦爛之世界！宇宙間形形色色之萬百事物，皆由此元質進化而來！施氏之宗旨，欲以進化二字，說明全世界之

現象，其胸中既存一先天之心，於是不問事實之究竟，杜撰其解說，以事物就我學說之範圍，美其說，善其辭，冀人信我言之真實，而能以進化冠蓋萬物，其論宗教之大概，悉遵此道！今夫人無論智愚賢不肖，皆知萬物之上，有一大造，主持其間，故一經開悟，由普徧之公理，即知推求原因，由因果律而升至第一原因，神靈觀念，初未嘗由蠢頑無靈之境界，由宗教迷信之境界，進化而入於不可思議之境界，如斯氏之所謂者！今我又退一步曰：宗教能有進化，然其進化，不過由自然發生之神靈觀念，用研究深思之功，進化而切定其神之性體，令我有一更明之神靈觀念耳，初未有他焉。進化論謂：宗教由簡單而至複雜，有何證據耶。

論說

宗教哲學

幾個自由的新名詞

徐宗澤

人爲有靈動物，有靈動物之所以貴，以其具自主之權。人之品度，亦視其善用自主權與否而分善惡。自主權誠倫理學中一要問題哉。

自主權，或曰自由，言人在行事中，一切行止舉動，純由自主，不受外迫，不受內逼，隨意而行，毫無牽制也。隨意歸向在欲司，欲司歸向，以善爲本，猶悟司歸向，以理爲宗。欲司慕善，當先知何者爲善；知善則歸於悟司；蓋審善惡當有判斷，判斷，悟司之職也。悟司判事，根基於理，故自主之權，有理法爲之界限，軼於理法，已非自主真諦矣。譬有二事於此：其事皆善，而無必行之責，

我可行此而舍彼，或行彼而舍此，或二事皆不行，因行不行均不背理，由我自主之也。又使有二事於此：其一合法，其一違法；我不能任意妄爲，必擇合法者，而舍違法者；否則我妄用自主權，而爲不善矣。

現在有許多自由之名詞矣：曰信仰自由；曰思想自由；曰集會自由。此等冠冕堂皇之名詞，人藉之可以爲善，可以作惡，故對此自由，不有正確之觀念，則人鮮不受其惑也。今試分別畧論之。

一、信仰自由。信仰是對宗教言。宗教言人與造物主，在倫理上之關係。子女對於父母，在倫理上，有孝親愛親之義務。受造之人對於造物主，更有其報本之天職；宗教者正所以示人報本之天職也。職此而

言：按之原理，信仰自由，誠為不通之論。雖然，人之信從宗教也，須得良心之指示；良心之指示，人當遵從，此又為性律之所命。設良心不知真宗教之所在，且不懷疑及之；則其不皈依真宗教，非彼之過。設已懷疑及之，則彼有責研究真教之所在，以釋其惑，蓋此時良心已負有責也。研究而洞知之矣，則此時已有責信仰之矣。吾謂有責信仰，蓋人不能被迫信教，而信德須從自由之願欲而來，信仰自由之真旨即指此。

合理與否，須將人之思想分析言之。人之思想，可分二類：一、自然產生，欲司未曾注意，未加可否。二、欲司注意而容納之。前類之思想，無關品度；而後類之思想，品度上已分善惡。此類之思想，人雖能自由，自思自想，然惡者實為性律所禁，人苟不守良心之所禁，而自由思想，其品度之善惡，祇及於個人，不幸而出之於口，筆之於書，則此等思想，危及他人，危及風俗矣。夫性律與國法禁止傷風敗俗之一切事情，則言論自由，出版自由，當有理性以範圍之，不言可知矣。

三、集會自由。人為合羣的有靈動物；人之合羣，因一己之才力，不能獲得人生之各種需要，故必合羣力羣策以進行也。合

論說

幾個自由的新名詞

羣既爲人性之自然傾向，故根基於人性，爲性律所許可。設人欲得一合理之公益，召集同志，開會商議，國法本不能禁止，且無權禁止。雖然，世風澆漓，人心變詐，往往有鳩合蟻聚，以行不軌者。國家當爲眾人謀公共之利益，故對於任何集會，亦有其監視之責。設一社會團體危及個人之利益，或公眾之治安暨風俗者，國家爲公益起見，有取締之責，禁止之責。或一會爲公眾有益者，國家有保護之責，鼓勵之責。是以集會自由，亦有範圍，卽對於善事善舉而言，初無對於任何有不規則的集會言也。

吾國自五四以來，思想日形解放，各種示威遊行，亦層見迭出，無神之謬論，又視爲

不刊之論；有心之士怒焉憂之。爰將信仰自由，思想自由，集會自由之真旨，畧述及之，冀有裨於世道人心云爾。

●我國人民數之統計與教育

我國人民。依國務院統計有三、七、七、六、七、三、四、二、四、八。（蒙古未計）。按民國十年海關統計有四、四、三、三、八、二、〇〇人。（蒙古新疆未計）。民國十一年郵務局統計有四、四、七、一、五、四、九、五、三、八人。（蒙藏未計）。以四、四、七、一、五、四、九、五、三、八名。當有八千萬。吾國現有小學生四、八、四、二、六、三八名。（按教育部民七民八統計）。若是觀之。教育之普及尙遠也。

說林



庚子教難貞烈小影（續） 伯多祿

卜枝鳴貞女第二幕開始以前演說詞

大家看見了卜枝鳴貞女過堂的時候。那縣官見貞女青年美貌。總想用世俗的快樂。誘惑他。教他出嫁。所以交帶了官媒婆。想用法子。哄送貞女。該知道我們奉天主教的人。領了聖洗以後。是已經獻了天主的。沒有聖教會正式寬免。不能再同那不在教的成親。當女子的。要是嫁給外教人。是如同背了教一樣。那些官家和義和拳。都知道這樣。所以不一直勸青年女子出教。但想法勸他出嫁於外教人。這樣的誘惑。最可怕。光緒二十六年。爲這樣致命貞女不少。我們看這個卜枝鳴貞女。雖然才十六七歲。到底他知道嫁給外教人。就算犯了不潔淨的大罪。失了貞潔。亦就是背了天主。背了耶穌。所以貞女寧死不聽官

說林 ... 庚子教難貞烈小影

家的話。不受那媒婆的哄送。但是一個十幾歲的小女子。在這一夥衙役。及義和拳壞貨當中。要保守住貞潔。實在不容易呀。你們大家。想一想。可憐不可憐。因爲這個緣故。卜枝鳴貞女。懇懇切切求天主。求耶穌。求聖母相幫。保護他保守貞潔。聖經上說。要守貞潔。要退那魔誘惑。非祈禱不可。卜枝鳴貞女知道。就熱心念了經。求了耶穌。保守了貞潔。亦沒有上惡媒婆的擋。這下一幕。就是卜枝鳴。在看守所。怎麼樣求天主。惡媒婆。怎麼樣誘惑了貞女。但卜枝鳴貞女。總沒有上了誘惑。請大家看罷。（開幕）

第二幕

熱祈禱貞女志堅
惡誘惑媒婆力盡

佈景 壽陽縣女看守所 內設床一破凳一二

人物 貞女卜枝鳴 官媒婆劉氏

貞女祈禱狀。天主呀。我的天主。我一心愛慕你。寧死不取犯罪。得罪你。天主呀。你是全知的。你知道我從小。就把我獻了你。我的心。全是你的。到如今。你常常護我。沒有受過什麼惡誘惑。到底現下。這縣官大老爺。除了誘我出教

以外。口口聲聲。勸我出嫁。噯呀。可怕的誘惑呀。吾主耶穌。我可愛的耶穌。我至潔之淨配呀。我已經把我的心。把我的靈魂。把我的肉身。把我全全的內三司。外五官。都獻給你。我的耶穌。我是已經嫁給你的。已經同你結了婚。我是你的。你是我的。咱兩個是永遠不能相離。那個縣官。再三用好話。轉我的心。是教我出嫁於他人。要壞我的童貞。還用利害的話。似乎要勉強我犯罪。強逼我同世上的人婚配。強逼我同那外教的人結婚。噯呀。天主呀。耶穌呀。我是萬萬不能的。寧受萬刀萬剮。我是萬死不能犯那醜罪。失了我的貞潔。污了我的心身。但是我的耶穌呀。我是無用的婢女。無能無力。現下是孤孤單單的。一個小小的女子。無依無靠。我的娘。已爲你致了命。當下我沒有一個親人。照顧我。就是你是我的至親人。我全全依靠你罷。那縣官又把我交給了這官媒婆。噯呀。想來亦不是個好女人。看他的形容舉動。像一個不端正的壞女人。噯呀。我的耶穌。我全靠你呀。你的淨配聖女亞加大。聖女路濟亞。亦受過這樣的誘惑。到底你保護了他們。沒有受了害。保守了

童貞。我小女無功無德。不敢盼望你。用聖跡救我。但盼望你。我的耶穌。一面堅固我小女的心。不受那誘惑的害。一面暗中變化那位縣官。這個媒婆。不要用強逼的法子。勉強我。我的聖母娘呀。我是你的女兒。求你扶助我。保護我。不陷於出教出嫁的誘惑裡。聖母娘呀。我是你聖子耶穌的淨配。求你保全我罷。我的護守天神。求你不要離開我。常在我左右。保護我。噯。我的耶穌呀。求你快賞我早死。去見你。快教官家殺了我。去領你常生的花冠。我盼望死早呀。

正說至此。劉上急匆。送一碗好飯。說。小女。你不該死。你是個好姑娘。正是青年。該享榮華富貴。老娘敢保你能尋個好家。配個好女婿。老娘能在縣大老爺那裡。添好話。不怕。（說時。用手拍貞女肩。作笑狀。）受不了罪。反正你從小受了天主教的迷糊。如今醒醒罷。先吃上口飯。壓壓驚。咱們再說。

貞女說。大娘。多謝你費心。俺是天主教。俺永遠是天主教。俺是有了家兒了。是不能再嫁別人了。大娘。你不知道

嗎。俗話說的好。(好馬不被雙鞍。好女不嫁二男。)俺是獻了耶穌的人了。還能再嫁給一個人嗎。俺亦不吃什麼。謝謝你的好心。俺只是盼望早死。

正說到此時。有差人喊說。裡頭老爺太太。傳媒婆劉氏。有話吩咐。

劉說。是。(急走狀。向外說。)看這個女子。是真真吃了天主教的迷糊藥。大概是用輓法。勸不倒的。老娘遇了這麼個下賤丫頭。可恨可恨。快去罷。太太又有什麼話吩咐。俺進去再說。

貞女祈禱。嗟。天主呀。耶穌呀。我感謝你又賞我勝了一次誘惑。我讚美你的仁慈。(此時貞女唱讚美歌。歌辭從畧)

劉出。李營官隨上。劉說。怎麼這小女喜歡的唱呢。

李說。大嫂。那個天主教的女子怎麼樣。他肯背他的教嗎。

劉說。那個小女子的心。實在硬。寧死不肯背教。只說要死。要見他的耶穌。真稀罕。咱們太太。是個心軟人。聽見老

爺說。這個小姑娘怎麼好。就想收下他。當自己的乾閨女。如今教老娘拿上這幾樣首飾。(說時。拿出指說。)耳環啦。戒指啦。手鐲啦。爲買哄他。老娘想不算話。不過要試一試罷。

李說。大嫂。我亦進去看看罷。

劉說。不能。不能。只可在門外聽。(說時。即回走進屋。大叫道。)李見劉進去。即上前。門外耳聽狀。作往內窺視狀。(天主教的小姑娘呀。裡頭官太太。實在想你。如今不提這出教啦。是願意救下你。本是想來這看守所看望你。但恐怕那些義和拳造謠言。所以傳老娘進去。教俺勸你。你看這(取出狀)橫首飾。好呀。女孩兒家。生在世上。有個家兒。好穿帶。好打扮。多好呢。好姑娘呀。你醒醒罷。不要糊塗。太太很想見你。要收你當他的一個閨女。多享福呢。比當天主教強呀。你得了好家。老娘還要沾光啦。(說着。帶笑狀。開盒。取戒指。一手拉住貞女左手。給戴。貞女即示不屑狀。推走狀。劉說。)小姑娘呀。你受了什麼迷昏陣。死亦不放這天主教。老娘勸你。你不聽。老娘的臉(說時拍臉)

不要緊。如今官太太這樣抬舉你。你應該識個好歹罷。不要固執到底呀。

貞女說。大娘呀。俺把俺的意思。已經給你說明了。俺是生在天主教。亦要死在天主教。俺是獻給耶穌了。無論什麼人。不用說官太太。就是皇后娘娘。俺亦看不起他來。爲俺就是个死。好去見俺心愛的耶穌。多謝你費心。托你多謝官太太的好心。那些首飾。(說時指着)請你交回去罷。俺一件亦不希望。俺的耶穌。在天堂。給俺預備上好體面的裝飾。打扮呢。(說着。應示喜狀)

劉發怒狀。指着貞女說。你這個下賤的東西。不要臉。不識抬舉的丫頭。你既不聽好話。非教老爺重重辦你。不可。非強逼你不行。(說時。帶走示怒狀。應重說二次下)

李向外說。這個天主教的女子。真有志氣。十幾歲的年紀。能不怕死。總是口口不離耶穌。說不再嫁人。這個天主教的道理。俺不明白。但是小小的女子。就有這麼大的胆量。勇敢。必定是這個教裡。有個真正神道。若說是吃了什麼迷昏藥。我實難信。(作搖頭狀。下)

第二幕終

近事



教中新聞

●羅瑪近聞一束 *Nouvelles Religieuses*

載稱。一九二六年內將有列真福品多起。雖未盡確定。臨時容有變更。大約五六月內可有五起。十月內可有四起。將列品者。爲創立善師女修會之可敬修女路濟亞斐利比尼。該會在意大利及美國甚爲發達。可敬修女嘉彼大尼奧。創立仁愛忠僕會於巴西國者。可敬富爾南司鐸。法人。創立十字女修會者。可敬修女都萊。創立法國勃桑松城之仁愛女修會者。又一八六〇年達瑪斯城慘殺之方濟各會士。又一五八八年法國奧勃那城爲異端人所殺之耶穌會修士。又可敬彼諾。法國益熱城之一本堂司鐸。於大革命時致命者。又法國大革命時。一七九二年九月。亂

於巴黎加爾默獄中之致命者。又非洲亞比西尼之致命者亞巴蓋伯爾。有謂一九二六年亦將有列聖品數起。若真福高多陵谷。真福伯辣彌諾。真福斯德朗比。福女若翰納萊方那。福女路依斯瑪利亞克等。

聖年內赴羅瑪朝聖者之總數。聖年總幹事部根據種種報告。計算之下。共有朝聖隊九八三起。人數共三五九。八一〇名。其中意國佔最多數。二十一萬二千。德國三萬九千餘。班國一萬二千餘。法國一萬一千餘。英國及愛爾蘭六千。巨哥斯拉夫。瑞士。比利時。匈牙利。各五千左右。捷克。波蘭。葡萄牙。各三千左右。又美洲五千七百餘。亞洲八百。非洲五百。澳洲三百餘。

今年為尋獲十字聖架後十六週百年。蓋公斯當定大皇之母后聖婦赫肋納。於三二六年。尋獲吾主被釘之真木。於加爾瓦畧附近之土中。現在該聖架之大部分。供奉於羅瑪聖十字大堂。今歲逢此週年。教宗特准於羅瑪及日路撒稜。舉行紀念慶典。此項慶典。業於五月初之尋獲十字聖架瞻禮舉行云。

近事... 教中新聞

美國芝加哥城國際聖體大會。定於六月下旬舉行。教宗特派鮑柴諾樞機為宗座欽使。代表教宗。主禮該會。鮑樞機曾任駐美國宗座代表。留居美京華盛頓多年。夙為美國教友所愛戴。隨欽使同行者。有供職內廷之加濟亞主教。與儀之萊斯比奇主教等多人云。

●傳教新通諭響應之一班 教宗對於傳

教區之新通諭發出之後。凡聖教中熱心榮主。不分畛域之士。無論東西歐亞。莫不欽服教宗之意旨。加以擁護。期其實現也。此項言論。發表於報章雜誌者。已數觀見。茲將比國魯文出版之 *Nouvelle Revue Théologique* 第十五卷第五期。P. Charles 司鐸所著之社論。摘譯末段如下。

教宗於其通諭中。復向諸宗座代牧。監牧。及諸傳教區長上。提及一重大之問題。即亟速栽培完備且繁盛之本地神級班。渠謂向日所為者。雖稍有些許成效。然大儒怯太濡緩。距當得之目標。猶甚遠也。十九世紀前之傳教士中。有以為新奉教者。每帶外教之血。非經三四代後。無望其

有聖召。甚至竟有以外教人爲無從勸化者。此等偏見。曾使十六世紀亞洲幾處之教務。陷於無司鐸之境。曾使南美洲巴拉圭教務極盛之際。不得創設女修會。若是之謬念。自新通論後。當視之爲抗命之掩飾語。

昔日之歐洲。不論羅馬治下。或蠻族境內。未有歷三四代之久。而傳教士仍屬外來者。開教者於新奉教中。卽得足數之神級班。勿謂歐洲之接受福音。較之亞美爲善備也。忠實之歷史。明証此類謬言之無稽。印度。中國。日本。在任何點下。遠勝於當時歐洲第七八世紀之文明。且東方之藝術。詩詞。哲學。儘可與希臘之文化。並駕齊驅。教宗於通諭中亦明言亞洲人之智慧。毫不遜於歐人。且或勝之。故視之爲低下之民族。認本地神級祇得供輔佐者。實毫無理由。故依正當之辦法。本地神級理應主持本地之教務。歐洲來之傳教士。實當居於輔佐者之地位。一俟輔佐本地神級班可以自立之後。卽行轉向他方開教。倘必欲強留其地。自無暇以開教矣。此乃昔日亞洲有幾處之教務史之教訓。當時歐來之傳教士既不敷用。本地之神級班。

又幾全無。何怪教難一起。終至傳教士之絕跡也。

建立本地修道院。乃傳教區第一重要之任務。教宗明言傳教之旨趣。非特在拯救人靈。亦亟應營謀教會在該區內久長之存在。神級班固屬首要。然本地之男女修會。亦亟應營謀久長穩妥之組織。蓋修會一如神級班。不應以本地人常充下屬。彼於聖教會內之名分。毫不少於他人。抑且於其本地。更有優先之名分。

專務祈禱苦修之生活。乃東方人累世之習尚。但除極少之新近創舉以外。每不知利用此端。本地之男隱修院。誠所謂樓指可數。反觀彼釋教之叢林。苦修者動輒以千百計。東方民族。企仰祈禱僻靜之生活。北京之神慰苦修院。是其明証。任何嚴峻之苦工。非特不使華人畏懼。抑且使之重視而趨附焉。

昔日之謬見。有詆斥外教之文士爲傲徒。而謂應專向貧賤人宣傳福音者。教宗今乃力言。苟不能感化領袖階級。則教會終屬不全而無根。故使思想界。領袖階級。與夫彼東方文明之承繼者。歸奉基利斯督。乃不可忽之要務。故

東方之種種學問。亟應加以深究。獨力不足。則合組學會。勿讓反教徒與哲學家。獨佔東方文明之研究也。

總之。教宗已宣佈其堅決之意旨。其通諭之所語。滿表其智識與果敢。並對於外教。滿溢其一片之慈衷。

●留比公教青年之春令會

本年四月五日。

留比公教青年。開春令會於昂維斯城附近。華斯的馬爾之苦修院。到會者四十餘人。亦有遠從法國來者。一旦相聚縱談。其樂何極。會期共延四日。此次之會。非為嚴格的避靜。首次兩日。由雷鳴遠司鐸講演。所講諸題。非特極有興趣。足以鼓勵公教青年。表揚公教本色。而亦足以使反對公教者反省覺悟也。末日。由王遠志司鐸講演。對於道德及聖事諸題。發揮無遺。淋漓盡致。裨益良多。八日晨。由該院招待者率同參觀全院。首聖堂。次飯廳。饌食甚為菲薄。蓋終身不嘗肉也。次及寢室。陳設亦簡單。非常。又次及圖書館。藏書之富。可與城市之大圖書館。並駕齊驅。且有多種珍貴之手抄古籍。其中所藏者。大抵皆哲學及宗教類書。故以專精論之。則勝於一般之普通圖書館者

近事... 教中新聞

多矣。又次及修士預備館。凡欲入該院者。先須在該館求學。并學習技藝。五年之後。如成績合格。然後方得正式入院。苦修終身。又參觀牲畜場。工場。印刷所等。時已近二下鐘矣。總之。該院修士皆自食其力。無物不備。無勞不操。實世上最良好之小社會也。回想世之高談主義而不事實際者。對於該院修士之高潔與自助之模範。能不感慨係之。臨別由潭君慶瀾以流利之法文。代表全體向院長致謝。院長答辭。希望中國歸主。雅而可愛。九日晨。會畢。各携許多良好之印象。而散歸各校。(據錄公教青年)

●比國魯文大學我國同學之調查

魯文天主教大學。自有我國學生以來。以近三四年中人數為最多。今除在去年暑假時之畢業同學離校外。特將最近調查各人學習門類。按照姓氏筆畫多少之序。列表如後。

- | | | | |
|-----|-----|-----|---------|
| 王光埏 | 化學科 | 生實堂 | 政治外交科 |
| 田恩需 | 哲學科 | 何方理 | 化學科及哲學科 |
| 林青萍 | 醫科 | 林毓奇 | 醫科 |

- | | | | |
|-----|-------|-----|-------|
| 林毓英 | 醫科 | 孫壽 | 電科 |
| 唐世丞 | 農業化學科 | 張懷 | 教育科 |
| 陳仁耀 | 採礦冶金科 | 陳光熙 | 採礦冶金科 |
| 陳雄芳 | 電科 | 符斌超 | 政治社會科 |
| 黃亞慈 | 醫科 | 黃淮 | (預備中) |
| 鈕秉甲 | 化學科 | 傅覺生 | (預備中) |
| 董世祐 | 採礦冶金科 | 董世樟 | 同上又電科 |
| 薛承萊 | 採礦冶金科 | 楊安然 | 政治外交科 |
| 楊安祥 | 農科 | 趙伯洪 | (預備中) |
| 趙爾謙 | 哲學科 | 賓鵬齊 | 採礦冶金科 |
| 繆懷琛 | 政治外交科 | 潭慶瀾 | 農業化學科 |
| 龔賢明 | 理財科 | | |

(錄公教青年)

●旅法任光君在里昂受洗

本年四月四

日耶穌復活瞻禮。法國里昂城華僑學生任光君。受洗於康司鐸寓所之小堂中。同時受洗者。尚有華僑工胞景誠君之女孩。任君係浙江嵊縣人。現年二十二。來法現有五年。專究音樂。前嘗肄業於上海震旦大學。是日康司鐸寓

所。由譚濟安君任招待來賓之職。統計中外來賓。男女華生共二十餘。大半為里昂中法大學無宗教信仰之學生。然以與康公友善故。咸來觀禮。法人方面。男女九十餘人。內有里昂著名晚報之主任。里昂傳信支部部長。及天主教大學教授。里昂慈善家。實業界等人物。鐘鳴八下。洗禮開始。小堂中燈光輝耀。鮮花滿佈。行禮時。康司鐸不時以法語略釋其意義。洗禮畢。彌撒隨之。新經後。康公轉身。先以華語向領洗者及來賓祝賀鳴謝。繼操法語謝外賓。並向在堂諸人。作簡短之講道。語語誠懇。從心所發。雖無宗教信仰者。聆之亦不能不表同情也。任君領洗聖名保祿。是日彌撒中。即初領聖體。彌撒後。康司鐸享來賓以祖國名茶。西國酒點。復請來賓之未早餐者就席。席將終。康司鐸舉杯以賀任君。並謝來賓之美意。任君父母遠在千山萬水之外。但際此靈生之生日。不可無代表任君之人。以相慶樂。余敢以任君之長兄自居。代謝來賓之惠臨。並以中國公教教士之心腸。祝任君身靈萬歲。時屆十時半。來賓乃各賦歸去。

(節公教青年)

●比國退還庚款近聞

據駐比中國公使

館傳出消息。謂比政府已撥定庚款六成爲補助我國工業。其餘四成。則爲津貼教育用途。但其辦法如何。將來尙須由中比兩方互派代表。詳加研究云。留比各學會。如崗里也日。沙洛王。及魯文中國學生會等。得此消息。已先後開會。共同討論一切。并有推舉代表等事。聞留比中國學生總會。將於五月九日召集各地代表。在北京開分配庚款討論大會。以備將來加入中比兩方所組織之委員會云。

又一說。比國退還庚款。對於津貼留學一事。聞比人方面。已將分配方法擬定。僅跟於在比國四大學之學生而已。留比中國學生總會。聞此消息。已發出通告。召集各處代表。於五月九日上午。在北京組織庚款委員會。俾將來能作一致之交涉云。

●徐傳保君考得法學博士

震旦畢業生徐傳保。前在 *Ecole des sciences politiques* 畢業後。遂入巴黎大學法科博士班。聞已考得博士學位。其所獲分數。

近事

教中新聞

係在優等以上。極蒙該校校長之贊許。并聞荷蘭萬國法律大學院院長亦特賜徐君以獎金一份云。

●不忘祖國之朱大新

亞馬爾氏之馬戲班。

久聞於歐洲。此次又到魯文演戲四日。自四月廿六日起。至廿日止。聞該隊中有一我國演藝者。記者因愛國貨。故偕一二同學前往參觀。我國人所演技藝。計有三套。其中以跳高及跑馬爲最本事。其跳高之度數。約有三米。突有餘。此外如汽車大象等等。亦無不一跳而過。至於跑馬。則在一圓形小場中。跳上下馬。翻身轉體。無奇不有。觀者均稱讚不置。甚至有伸舌過久未能收入云云。彼之身材頗高大。臉形略瘦長。如蛋子。眉清目秀。一身輕佻活潑。衣服整齊清潔。應有盡有。可謂全班各藝員冠。亦可謂該隊之第一脚色。故每一出場。即聞鼓掌之聲。如雷而起。大受歡迎之至。今馬戲班已移他去。而外人尤時時談及中國人。實增我國榮光不少。

彼在卅日早。曾來記者家。略談片刻。自謂。我的父親是北京人。曾做過軍官。在一九〇〇年戰爭中。受了兩傷。後來

三百九

不知如何跑到歐洲。他因略知拳術。乃召集中外藝員數十人。創設一馬戲班。聞獲利不少。未幾和一法女結婚。至生我數年後。舊瘡復發。不久死了。家母因病亦相繼而亡。我和舅父母同居。舅父從小時教我騎馬術。因他從前是一個有名賽馬者。我之所以有今日。就是他們所賜的。我現在馬戲班內演戲。我隨亞馬爾氏等到那兒。舅父母亦到那兒。他們可算是很疼愛我的。我今年已有廿一歲。我早擇中國為祖國了。護照等等。已在巴黎中國領事館做妥。但是手續極難。到底我是中國人。別國我是不愛的。只愛我們祖國。故雖難辦。也盡力去請求。所以早就得到了。我心纔安。我打算在數年內。或十年內回國。亦未可知。只怕我國打仗。不知道小百姓苦到怎樣呢。我將來當時時和你通信。彼說畢。曾向記者索取一小國旗。此索國旗之人非他。即朱大新君也。（以上三則錄公教青年）

●智利國天主教女青年運動 南美洲智利國天主教女青年會。成立以來纔三年。而其成績則大有可觀。已成為教中重要機關之一矣。現共有 百分會。

會員六千餘人。去年開第三次全國大會於槐栢蘭茶首都。政府特備專車招待各女代表。該京聖教報紙云。此次代表會議。足徵非宗教之墮落。慨自十九世紀以還。反宗教之聲浪。敗道德之行爲。自由思想。自由行動等邪說橫行。遂致社會中堅之聖教。與羣衆脫離。政治社會經濟等問題。一敗而不可救藥。故今日婦女對於改造之義舉。及一切正義之奮鬥。應負重大職責云。

●中華人民與教友之比較統計 按我國人口確數。久未有詳細之調查。所有種種統計。大抵俱憑估算而已。茲惟根據最新報告。以與各省聖教教友之數比較列之。至於教友之統計。則根據最近土山灣出版之中華傳教區修院學校第五年之記載。次序依比率之高下（即幾人中有教友一人）

省區	教友數	人口數	比率
直隸	六七四〇二三	三、四一八萬	五〇
山西	七四、九八四	一、一一一萬	一四八
陝西	六二、二七三	九四六萬	一五二

江蘇	二一三、六八七	三、三七七萬	一五六
山東	一八〇、五三七	三、〇八〇萬	一七一
湖北	一二五、七七一	二、七一六萬	二一七
安徽	八二、七五六	一、九八三萬	二四〇
福建	七一、二八一	一、七一五萬	二四一
江西	九九、八九四	二、四四六萬	二四四
吉林興龍江	三三、四五八	九二五萬	二七五
四川	一六七、九一〇	四、九七八萬	二九八
浙江	七三、三六九	二、二〇四萬	三〇〇
貴州	三五、四二二	一、二二一萬	三一七
廣東	一〇七、九四四	三、七一十萬	三四七
河南	八〇、八八一	二、〇八三萬	三六八
奉天	三〇、七一四	一、二八二萬	四一八
雲南	一七、二五四	九八四萬	五七八
湖南	四七、六二八	二、八四四萬	六〇〇
甘肅新疆	一三八三八	八四四萬	六〇五
西藏	四、八〇一	六五〇萬	一、三五〇

近事 · 教中新聞

廣西 四、四六三 一、二二五萬 二、七五〇

至於內外蒙古教友共一三六、〇六五名。大概均屬於熱河。察哈爾。綏遠。三特別區。其人口總數。無從檢查。

●普世天主教司鐸教友之調查 據最近

調查報告。全地球天主教。現在共有司鐸三十一萬二千餘位。分管三萬另四百二十萬教友。(中華人口為四萬二千萬。所以當今教皇嘗曰。倘中華人民完全歸化。教友之數。不將倍增乎。) 卽一位司鐸平均須管九百七十四教友。其中司鐸之在歐洲管理教務。及擔任青年教育。督促教務進行諸事者。約有二十萬人。佔全數三分之一。其餘十萬許司鐸。分佈他洲。茲將應注意之點。分錄如下。

(甲)中國一位司鐸管八百教友。並十八萬外教。

(乙)印度一位司鐸管八百六十教友。並十萬外教。

(丙)日本一位司鐸管八百八十教友。並二十二萬外教。

斐洲一位司鐸管四百教友。並八萬二千外教。

澳洲一位司鐸管三百教友。並十一萬外教。

以上皆平均分配之約數。就中以日本教務之處況爲最劣。

●宣化新教友第一任主教趙公歷畧

本年陽曆五月十三日。卽耶穌升天瞻禮日。北京宗座駐華代表公署。接到羅馬劃分宣化新教區。並簡任趙主教電文。茲譯之如左。聖座茲劃分宣化教區。卽任趙斐理伯司鐸爲該區代牧。併受祝聖典禮。此令。

趙公現任北京宗座駐華代表秘書。學識淵博。精通法文。係北京人。生於一八八〇年十月四日。一八九三年十一月七日入北京修道院。一九〇四年二月廿七日晉升司鐸。卽在修院教授四年。傳教宣化二年有半。遂升京兆信安本堂。在任十年。其後充任北京毓英中學校校長四年。乃於一九二三年一月八日升任宗座代表秘書。

公之長兄。係京西楊家坪（直隸懷來縣）苦修會士。數月前逝世。五弟亦係司鐸。現任北京修院拉丁文最高級教授。北堂出版之眞道期刊。多賴其臂力。公之父。於一千九百年死於拳匪之亂。亂方起時。公全家逃避北堂。翁獨

留家中。遂被逮。致命於西四牌樓北太平倉。公之母。經此變後。雙目漸致失明。（可參觀北堂出版之北京教友致命紀略）

公之母現尙康健。暫住京西長辛店。依其第四子。此次趙公榮膺簡命。北京教友莫不交相稱道。謂老太太熱心敬主。有以致此。蓋老太太目既失明。步履自艱。扶持奉事。端賴賢媳。然每日必與彌撒。無間風雨。卽此一端。可概其餘。而賢媳之克盡婦道。亦巾幗中不數觀者。

電文到達之日。北堂林主教。特將前任樊主教所佩之寶石權及胸前十字。親手贈於趙公。據吾人所知。林主教祝聖中國神父最多。今日親授鐸品之趙公榮陞主教。上主或欲以酬其勞而慰其心。林公權然有喜者。良有以也。宣化教區向稱發達。按一九二五年統計。教友共二萬七千六百廿四名。老教友居多。均甚熱心。領受神品者頗不乏。就人文。就地勢。在北。方教區中。均宜首屈一指。數年前。懷來雙樹村。曾由教友募捐建一聖堂。壯麗罕有其匹。教友之慷慨。於此可見一斑。

宣化教區。計有教堂十三處。司鐸十四五位。若瑟會修女多人。楊家坪聖神慰院（俗稱苦修會）亦在該區轄地。猗歟盛哉。吾人對於此第一位中國主教。額首歡欣。不能不祈禱上主。降以宏佑。使於中國傳教史上。開一新紀元。數百年經營締造之中國天主教。從此益臻鞏固。而日見其發揚光大焉。北京宗座駐華代表公署籌備處來稿

●孫成一監牧晉陞代牧之快聞

北京宗座駐華代表公署。昨（六日）接到羅馬電。稱教宗任命保定屬之蠡縣教區孫監牧。及湖北蒲圻教區成監牧。同晉陞各該教區代牧。此電與趙代牧電。相隔不及兩旬。又發表二位中華主教。此可見教宗對於中華教務之關心矣。又見上海字林報及華文各報載二十四日羅馬電。羅馬教皇今日在秘會中將華人神父三人。升為記名主教。華人有主教品級。此為創舉。

按此電觀之。趙孫成三主教係聖教常法區域中之本主教。而非傳教區域之宗座代牧。本主教與宗座代牧之區別。參觀本年本誌第四期。聖教會統治上之組織。

近事... 教中新聞

●福建主教已由宗座發表

閩叟函云。福

甯教務極為發達。早經羅馬教宗認為有成立一教區之必要。只以人選問題延宕多時。茲於五月二十六日福州天主堂忽接羅馬宗座來電。以揚光學校校長趙炳文神父升任福甯主教。該校員生聞訊。莫不歡欣鼓舞。一時鞭炮大作。極為熱鬧。查趙公西班牙人。來華任教職者十有一年。前剛總主教蒞閩。一見即屬意焉。為人忠厚和藹。博學多能。對於教育慈善事業。無不銳意進行。去年曾被省長聘充福建賑務處委員。今竟榮膺斯職。豈特吾教之榮。亦福甯之福也。（錄益世主日報）

●救世主會士來閩

溯自聖教傳入閩省。於茲數百載。首至該省敷教者。為元朝方濟各會士。明末葉利瑪竇來華。耶穌會士接踵而至。來閩傳教者。實繁有人。教務由是日盛。信友有增靡已。於前清順康間為最。雍乾時。風波大作。教士被逐。教友被殺。聖堂被毀或被封。在在皆是。即我建甯一縣。現有老聖堂一所。今已改為官立學校。而門首耶穌聖母二聖號。昭然遺跡。至今尚存。蓋外教

人不知爲教中聖號。以爲常畫耳。正中門上天主堂字樣。被石灰塗滅。不甚明白。相傳乃二百年前之房屋。可見此時教友眾多。耶穌會士傳教成績。不特於該縣爲然也。後多明我會士來閩。仔肩教務。大著劬勞。然司鐸甚少。不足分派。特於建泰等縣。從無神父專駐。久隸他縣司鐸兼轄。有鞭長莫及之嘆。人民之坐黑暗久矣。一九二四年。宗座有鑒於此。特遣德國救世主會士。前來福建。傳揚聖教。救人靈魂。現今該會司鐸。已來六位。分駐詔武。光澤。建甯。泰甯四縣。且閩省多敏我會士。除西班牙國籍司鐸外。又添美利堅及德意志二國籍司鐸。據此。則傳道有人。將來教務發達。蒸蒸日上。可拭目待也。(來稿)

●剛總主教蒞崇記畧

剛總主教自來華以

來。往各省巡查教務。日無暇晷。今歲六月初。亦駕臨敝縣。我崇教友蒙剛總主教之光顧。莫不雀躍欣喜。前數日。教友於剛總主教將臨之各堂。張旗結彩。以備歡迎。剛總主教於五月三十一號自崇明外沙母佑堂。乘輪船來崇。因輪船擱淺。故於(次日六月一號)清晨八下鐘。抵南門港。

乃上岸。改乘轎輿。至亞利堂。於是行大禮彌撒。教友來與禮者數千。下午七下鐘。遂臨大公所天主堂。類思學校全體學生出外歡迎。是時爆竹震地。鐘聲徹天。既入堂。按聖教禮儀。迎接主教。主教降福教友。并述出巡之意。次日七下鐘。行迎聖體大禮。八下鐘。大禮彌撒。是日人山人海。不知其數。警局派警察前來。維持秩序。十一下鐘。類思學校學生開會歡迎剛主教。唱歌暨晉頌。剛主教演說。情詞懇摯。和愛可親。下午四下。女校學生亦開會歡迎主教。至五下。剛主教。山會長。全崇傳教士。攝影以留紀念。次日清晨。主教乃乘輪返滬。臨行特預許二年後。再來崇明。吾崇人切望之心。爲何如乎。崇明來稿

●滬瀆雜詢

每年耶穌聖體瞻禮。上海及其附近

各堂口各修會等。分別舉行迎聖體大禮。其中最爲皇壯大者。自當推徐家滙。今歲又適值剛總主教道經滬上。特命駕親臨。不憚辛勞。恭捧聖體。主此盛會。禮儀歷二下鐘。自午後五下起。至七下方畢。參與者有司鐸四五十位。其他男女修士。大小學生。以及團體教友等等。數可近萬。外

教人之旁觀者。亦如蟻若。本堂保衛團。協同警察。防範周到。故秩序甚佳。是日為六月六日主日。

六月九日。江蘇姚主教。於徐家滙大堂。祝聖新司鐸四位。其中周若瑟。袁達。徐文枏。三司鐸。係江蘇籍。鄭連城。司鐸。則隸皖北淮泗道。新司鐸回家受賀之後。即將分道傳教云。

今年為青年主保聖類思列聖品後二百週年紀念。徐滙公學。因於五月十六。七八三日。舉行三日敬禮儀式。十九日復值院長慶日。因排演聖類思事蹟。題為永誓之爭戰。觀者頗為動容。直隸劉主教時亦在座。事後且索去劇本底稿一份。以備轉餉北方學生。滙學復刊行效法聖類思。默想九則。以供學生之則效。並留一長久之紀念。

六月廿四日主日。聖類思瞻禮前日。徐滙類思小學校。亦排演聖類思召故事。乃張漁珊司鐸手編之歌劇本。觀者多屬學生家屬。而是劇頗能適合其心理云。

x
x
x
x
x
x
x
x
x

近事... 教育新聞

教育新聞

徐滙各校行畢業典禮 徐滙公學 創

立於一八五〇年。歷屆畢業。人才輩出。除司鐸修士不計外。在社會上負有令名者。指不勝屈。該校之管理暨學務。調劑得宜。頗得學生家族之信仰。今屆畢業。考入慶且大學正科者。計有易宗樸。吳伯林。朱棫。金能賢。吳炳源。黃振國。胡毓寅。錢寶生。張志葵。王品生。唐致中。蔡仁發。吳驂。陳蘭清。沈則勛。董希白。蔡維翰。王鶴生。余全修。孫忍德。王品倫等廿一人。舊制中學畢業。得有最優等證書者。有吳伯林。朱棫。吳炳源。易宗樸。優等證書者。吳毓寅。吳驂。金能賢等廿八人。附屬高小畢業最優等。有周超。孫材宏。張祥卿。蔣潤源。金龍章。黃頑幫。張士明等八人。優等有丁汝梅。陳士徽。趙祥生。駱敬先。楊林德。董世禮。宋文炎。丁靈。岑岳慶。楊霽雲。胡梅林。胡祖貽。宋吟秋。張增祥。陸增佑。陸崇祺。沈桂良。葛尙宸。朱似碧。岑衡慶等四十六人。七月一日在該校大禮堂。行畢業典禮。由山會長給發證書。

徐滙師範

該校創立至今。已有五年。其初由前聖教雜誌主任潘公兼管。故即借校該館。及潘公逝世。由楊公管理。蕭規曹隨。學務頗有進步。不久而校舍不敷。另行築造。乃由前任會長萬公。及院長山公。慘淡經營。新校舍得以早日告成。上年十一月二十六日。由徐滙惠院長行祝聖禮。院長熱心教育。知推廣教中小學。師資爲第一要題。故自任院長後。每親自教導學生。以聖教教員當具之精神。灌之輸之。學生於德學。頗有進步焉。上月三十日行第三屆畢業禮。計有俞菊根。陸樹德。沙如富。黃仁興。蔡純孝。楊正舒。秦丕成。七生。將來該校之發達。當可預卜。

啟明女校

乃極亡會修女創立。(一九〇四年)專爲培植教外女子。課程完備。校規良美。允爲當今女校之模範。修女及教職員等盡心教授學生。女生亦孜孜求學。故年終考試。往往有美滿之效果。七月三日行畢業禮。計中學畢業。得最優等證書者。有沈慕潔。劉靜娟。秦則賢。王佩珊。顧翰芳。陳楷宣。凌秀如等。附屬高級小學畢業。最優等有張彩霞。陳閨秀。任民新。黃俊英。鄭玉梅。潘秋永。張

秀春。孫元貞。方新杏。吳麗華。潘文嫻等十一人。優等有朱月姑。張鳳愛。張徵琳。王者香。岑德靜。錢壽清。沈瀛慶。許惟瓊。許壽章。喬麗蓉。張德貞。陳以芬。黃鳳蕉等十三人。初等畢業最優等有李新圓。麥放明。劉美琮。郭享鈺。汪慧娟。譚秀瑾。夏秋蓮。陳婉秀。顧翠寶。李家基。湯守珍。許鐸。唐詠霞。歐陽馨菱。劉美璧。金玉貞十六人。優等有蔣新芝。莊端陶。秀英。華社瑾。曾培安。董福梅。華社瑜。方素英。劉慕貞。陳鎮榮。謝芳荃。岑德懿。鮑淑貞十三人。

崇德女校

極亡會修女於一八六七年到中國。翌年即於一八六八年。創立一女校。教授教中女子。歷年學務發達。該校遂成爲天主教中有名之女校。二年前即改行新學制。課程悉遵部章。兼之管理暨教授之修女及教職員等均熱心辦學。學生皆頗知注重國文。孜孜求學。故在此數年中。國文極有進步。深爲該校賀。上月三十日午前行畢業典禮。計中學畢業。得最優等證書者有張劍娥。金惠修二人。高級小學畢業。最優等有陸蕊珠。劉毓蘭。郁佐英。郁亞英。張蓉娥。鄭志蘭。潘廉淑。金德貞。邱靈芝。潘廉

素等。優等有茅甫青。秦桂英。姚新妹。徐巴修。盛忠吉。張良芳。朱筠如等。初級小學畢業。最優等有張潔修。蔡明貞。優等有曹愛修。張仁英。朱納修。郁民英。丁其儀。郁桂寶。張根英。黃文貞。張淡澄。張慕貞等。中等畢業有七人。

聖誕女校

亦為拯亡會修女管理。始附於崇德女

校。一九一四年分組一校。其課程似女子師範。來校求學者。大抵準備進獻堂會。學生勤學不倦。為該校之特優點。上月二十日行畢業禮。計高級小學得最優等證書者。有卞金寶一人。優等有陳金寶。孫志靜。顧雪珠。徐玲芝等四人。初級小學畢業最優等有李鳳英。優等有李靜娟。楊菊英。張田寶。劉思貞。張存寶。張安寶。金秀娥等。中等二人。

京師上義師範註冊之經過

前清光緒

年間該校地點在皇城內。宣統末年。遷移於阜城門外石門。將原有校址讓與攝政王。即今之參謀本部。斯時李君吉君先後掌理校務。名中法師範學校。民國七年。因學務局檢查教員資格。非經正式立案之學校畢業者。必嚴行

近事... 教育新聞

取締。本會人員在各省管理校務。殊感不便。聖母會省長李公。院長吉公。竭力提倡立案。責成張巽甫辦理。於是將中法改為上義。原有學生。先編兩班。務使全合教育部所頒完全師範章程。初次呈請之後。學務局頒發立案學校應行填寫之各項規則。并特別規定辦法八條。附開於左。

- 一、學校名稱。不得冠用某教設立字樣。
- 一、學校校長。及設立人或代表人並經理人各職任。均應限定以本國人充之。
- 一、校地校舍。須與教會地址劃分清析。即有權就教會附近堂室設學者。亦應將學校所佔房舍。作為學校借用或租賃。
- 一、學校經費。有出自教會捐助者。應作為學校寄附金之一種。不得認為由教會擔任經費或補助。
- 一、學校一切辦法。悉宜遵照教育部頒布法令。及本局暫定章程辦理。
- 一、學校內講授功課。不宜涉及宗教論說。亦不得沿用宗教儀式。

一、招收學生宜收大同主義。不得專收教會中人。
一、對於未經入教之學生。不應歧視或強迫入教。

該校於八年三月十八日遵照部章。繕具學則暨各項表冊。請求立案。四月二十六日。京師學務局批以教會設立師範學校。事無先例可援。所請不准。學則表件均發還。四月三十日。該校又繕函致學務局再求立案。繼又於六月十一日。呈教部請予核准立案。二十八日。教部令學務局應照教民設學。特別規定辦法。酌量辦理。中間又經過許多手續。卒於十一月二十二日。由學務局具文呈報告教部。准該校立案。
(節來稿)

●山西潞城安多尼學校存案之始末

民國成立。本省長官對於教育猶取消極態度。存案與否。任所欲便。而對於教會所立之學校。更不加可否其間焉。嗣後新政大行。任何施設。均取積極進行。民國六七年間。教育廳催促立案之令。不啻三令五申。是時成公知不存案。不足以與省立各校之生。享同等待遇也。八年時。乃稟承上游翟大司牧之憲。填寫存案應具表冊。由潞城縣公

署。轉呈省教育廳。請求註冊。以名稱故。以教理教史故。以設師範科有碍教育統一故。幾經磋商。幾費周折。結果始蒙承認。允予註冊。又以潞城縣轉呈表冊。有多大不便也。成公乃又呈請教育直轄長官。陳明理由。允以公文表冊。視察考試。均由廳直接承行。亦蒙允准。至新制改行後。另呈備案時。教育廳又以宗教學教理等門。不合規定。不准加入。成公又援引前例。與教廳往返函商。始得以加入教授存案。此安校立案之前因後果也。
(節來稿)

●張家樓達義學校

張家樓一村落也。地當

黃浦之東。東為洋涇鎮。南望北蔡。北接後灘。西乃楊家渡口也。全村居民。約二千有奇。多崇奉天主真教。俗尚漸趨繁華。職業以經商為本。是以學識不可少。而學校尤不可缺也。我教上峯。有鑑於此。特於清初建堂之後。(耶穌聖心堂)即附設學校。訓育蒙童。迨道光年間。堂為本省主教駐節之所。改學校為修院。自咸豐六年。修院遷移。院舍仍為學校。同治四年。復定為聖書院。學校範圍。稍稍擴大。歷來教育有方。人材輩出。司鐸如張文宗。張傑夫。張澤漁。

張德綱、張夢漁、修士如張登堂、登佐、登做、忠明等，俱為本校傑出之輩。其後新學遞渡，就學者稍形衰落，然猶不失為公學之規模也。自今校長朱達尼老司鐸繼任後，亟亟以興辦學校為急務。於是盡力擘畫，重行整頓。民國乙丑，釐訂為初級小學校，命名達義，奉聖達尼老為全校主保。組織方面，為複式多級制，分組二教室。一、二年級合組，三、四年級及補習生為一組。進教與教外生，同級兼收。課程方面，注重國文、經言、教科書俱用土山灣出版之本。管理方面，取嚴格主義。惟教員尚少，與學生家庭聯絡，以故校外管理，尚形缺如。迄乎今春，繼續整飭，添闢三教室，乃始成完全小學校。學額暫定一百名，以限於校舍故也。編制仍依複式。五、六年級合為一教室。課程以國文、算術、經文為主要科。歷史、地理、音樂、美術、工藝、國語、西文等，為隨意科。

(節來稿)

朱司鐸熱心辦學，造就教中子弟。本社深表同情。現在教宗極注意國產神級班，以傳揚聖教。惟欲傳揚聖教，當栽培聖召。欲栽培聖召，在各本堂區，當多設小學校。

近事 教育新聞

聖召亦當從小教養。勿曰設學無經濟，無教員，甚多難處。然知其難而不思有以勝其難，則難處終無得勝之一日。小學校與聖召有大關係。各處本堂司鐸將善體教宗之聖意，而推廣小學，以造就聖召，此則吾所可必者也。

時事述記

北京政局

自段氏下野，北京政局由治安會主持。繼由顏惠慶攝閣。吳佩孚張作霖則對於護憲護法，一時頗多爭論。卒乃兩不提及法律問題，而從事實上做事。吳張二巨頭擬同時入京，商議解決政治問題之法。吳佩孚於五月二十六日離漢北上。張作霖定六月一日啟程入關。七日在天津開預備會議。議案分三大綱：一、軍事。二、政治。三、法律。十一日末次會議。其結果不外三項：一、顏閣自動辭職。二、不談憲法。三、軍事合作。預備會議至此告一結束。二十二日顏閣依吳張

會議之結束。開閣議後。即發辭職通電。任杜錫珪兼代國務總理。嗣後之政局。待吳張到京後。當再有發展。

奉直與國民軍

國民軍自撤退南口後。求和不得。於是準備反攻。奉直亦決意剷除赤禍。於是戰局仍綿延時日。南口方面一時吃緊。然近無劇戰。國民軍力主攻昔。意在佔據大同。吳佩孚為指揮軍事起見。在保定設立總指揮司令部。所有南口及大同兩方軍事。均歸該部直接指揮。吳自任為各軍總指揮。南口前線三路總指揮。由田維勤擔任。吳之戰輿。有馮馮軍而朝食之決心。然西北軍亦準備用全力抵敵。鹿鍾麟擔任南口防務。宋哲元擔任大同防務。總之兩方面勝敗未決。而小民苦矣。

湘川粵之近狀

湘省自趙恒惕出走。唐生智握權後。湘省紛擾之形勢。自不能幸免。果也趙親信之葉開鑫。由吳佩孚之資助。進攻長沙。唐氏離省。於是又電趙回湘者。有擁葉督湘者。然湘省為南北之導火線。戰事安能即行告束。唐生智得桂助。以反攻聞

矣。而粵省亦有援湘之舉動。至川省亦紛亂不一。楊森本與袁祖銘聯合。討伐劉湘。回川後。一變與劉妥協。謀去袁氏。於是楊袁戰事發生。結果楊森佔據重慶。楊劉合作驅袁。袁陸續退往川黔湘邊境。然川局之變化。不因之即止。各方面暗潮甚烈。前途難抱樂觀。粵省歷年變化無已。近日內部雖未見妥洽。而北伐之籌備。日趨緊迫。聞北伐所取之政畧。為打倒吳佩孚。妥協孫傳芳。放棄張作霖。軍略則主力軍集中贛邊。有機會即下動員令。援湘攻贛。均有專任。

東南大局

孫傳芳由閩而浙而蘇。奄有五省。以保境安民相號召。隱然為東南之盟主。初傳齊燮元仍注目長江。繼謠蘇魯間形勢不穩。今則謠言漸息。似無戰事之發生。孫氏對吳佩孚最近之態度。則應以楊文愷之入閩。械彈之北運。鹽款之資助。對於地方事。頗注意於治安問題。比較觀之。現在東南幾省。最為安甯。

一九二六年六月

江蘇姚主教准

(三) 口試各科教材。教學之段階。手續。小學課程。年級之編制。小學之行政。組織等。

(四) 學生課卷之評改。

學生試驗及格者。給與畢業證書。

條件。年齡至少十五歲。品行端正。性質善良。身體健全。高級小學畢業。或具有同等之學力。得本地總鐸

或本堂司鐸之介紹。

每學期須繳膳費二十元。學費十元。其餘書籍。衣服。游藝等費。臨時照算。其餘詳細章程函索附郵一分。開學日期定於九月六日。

徐滙師範敬啓

●啟明女校招考新生日期

本校專收教外女生。自十二歲至十八歲。均能來校求學。惟年大者須有高小畢業程度。現定八月二十七、八、九日。招考新生。九月七日開學。

●崇德女校開學日期

本校為培植教中女子而設。除中學外。有附屬完全小學。現定九月六日開學。

●靈石縣開教建堂紀盛

山西靈石縣。向無

天主教堂。去春孫大司鐸晉光。荷蘭國人。因會駕臨。滿懷熱衷。極切愛眾。奈駐霍縣大堂。分理汾西靈石三縣教務。往返窳越。實苦鞭長莫及。乃在靜昇鎮暫賃臨時傳教所。遴委一與王先生主席。另派人四鄉演說。而孫公不憚跋涉。時來查察。循循善誘。未及一載。東區一帶父老。樂從信奉者。即有二百多人。能殺領洗者。三十餘名。遂不惜資財。復建天上大堂。奉耶穌聖心尊像。以為永遠榮主救靈之地。信眾感恩圖報。爰由陸軍上校官李成林等。贈送匾對多方。四掛高懸。夏歷三月初四。為開堂之日。門外結彩張燈。院內搭棚待賓。大彌撒畢。介休縣本堂王大司鐸開講。天主堂三字名義。聽者心悅誠服。早餐後。恭迎聖像。繞鎮一週。回抵堂內。自彭縣長。及官紳士庶。教內外眾。曷止千人。脫帽鞠躬。三呼道賀。繼即就席。統籌交錯。賓主盡歡。興辭而散。誠靈邑空前未有之盛舉也。靈石喬韻卿來稿

●湖北蒲圻縣天主堂創設方吉施醫

局

本堂原則志職。雖在專為傳揚至一聖而公教

會。勸人欽崇造化宰制萬物者天主。旅世恒為善良。永生
膺享真福。然而對於地方社會公益慈善事業。未嘗不竭
己力。謀圖進行。聊盡同胞義務。勉行誠愛天職耳。因是甘
願犧牲。幾度周折。聘來中西素具醫理經驗之白衣修道
女十各二名。擇在本堂隣近之整新屋宇。創辦中西法醫
局一所。竊定名譯音曰。方吉。既以景仰前聖親仁。Patri-
archa S. Franc Ass 亦即虔求合境安吉也。區區微忱。尚
希各仁人君子和鑒諄之。惠匡不逮。贊同維持。使小種能
見長發達。應時得收豐美效果。則感幸詎有涯矣。(蒲圻
天主堂來稿)

以上二稿因排印時支配稿底多有更變乃排在封面

尙祈來稿者原諒

本啟社

●聖教雜誌價目表

本報月出一期全年十二期

報資全年大洋八角

郵費全年 中國郵局 一角二分

凡訂閱五份起報資與郵費均九折十份八五
扣二十份以上均八扣

●聖教雜誌叢刊

社會叢談

一角五分

婦女問題

八分

勞工問題

五分

共產主義駁論

五分

方德望神父小傳

六分

明末清初灌輸西學之偉人

八分

蘇維埃俄羅斯之觀察

八分

教育專刊零售

一角五分